

豐城縣志卷之十五

節烈

士有百行。女惟一節。風火利貞。河舟矢特。王化之隆。具見巾幗。

賜帑建坊。榮施里宅。千古雲山。一生霜雪。苦行芳聲。合輝簡冊。或以年湮。間由路隔。事往風微。致遺

天澤。沒而無傳。其傷倍切。特筆記之。幽光並揭。志節烈。

宋

余氏王德甫妻。德甫以訟傾貲。窶甚。依先隴結茅為廬。衣食不給。有怨懟語。余輒止之曰。自取何尤。德甫欲

豐城縣志

卷十五 節烈

一

決嫁之。余泣曰。婦歸王氏。家非不裕。至此命也。溫飽而留窶。而去若他適。安知不更饑寒乎。婦不二天。去將安之。卒不行。勤紡績。以供薪米。居數歲。以及易茅。為屋五楹。夫死。孀守二十年。行未嘗出闕。筠陽陳仲微作節婦傳以義之。咸淳癸酉。權縣事。危順吉即其里。立節婦坊。給粟帛。

元

孔氏袁用賓妾。至元兵亂。肆掠于袁坊。縛用賓去。孔隨至臨川之名賢鄉。度用賓無脫理。乃泣曰。夫既不可脫。吾義不受辱。寧愛一死。不以謝吾夫乎。遂踴躍呼

號赴井死。人皆義之。

范氏劉應震妻。應震得心疾。合巹之夕。疾作不能成禮。出就異室。未幾卒。服除。母欲令其改適。不許。母曰。未醕。非改節也。對曰。名在劉氏家廟。夫以疾廢。姑在誰養。去之不可。姑歿。復有以爲請者。誓死不易。居三十年如一日。卒年六十九。

袁氏儒學提舉朱本妻。至正壬辰兵起。本偕袁自福州路歸。中途渡河遇寇。袁氏義不受辱。即投水死。本以身免。終身不娶。

陳烈女字淑貞。儒士壁之女。避亂家龍興。淑貞七歲。能

豐城縣志

卷十五 節烈

二

誦詩鼓琴。元末陳友諒寇郡。見鄰媪倉皇告變。乃取琴坐牖下彈之。曲終。泫然流涕曰。吾絕絃于斯乎。父母怪問之。淑貞曰。城陷必遭辱。不如死。明日賊至。投東湖水。淺不死。賊抽矢脅之上岸。不從。乃射殺之。

藺氏汪某妻。元末陳友諒部將鄧平章陷江西諸郡。及豐。汪以千金賂鄧之帥。某求免剝戮。帥聞其妻藺色美。反穢其家。獨生藺。及四歲。嬰將納之。藺曰。帥貴人也。妾得事無恨。但吾夫初喪。請持一月服。乃爲帥婦。未晚。帥從之。移兵他郡。命二姬守之。越數日。藺俟二姬熟睡。乃先殺嬰。嚙指血書壁曰。涇渭難分。濁與清。

此身不幸厄紅巾。孤兒豈忍從他姓。烈婦何曾嫁兩人。白刃自揮心似鐵。黃泉欲到骨如銀。荒村日落猿啼處。過客聞之亦愴神。書畢自刎。

按省志列蘭氏于南昌府。謂不知何縣人。故邑前志失載。茲考陶九成輟耕錄確載為豐城人。特採補入。

明

萬氏林全禮妻。全禮任江陰衛百戶。從征溺死。時萬年二十四。遺腹生一女。誓不他適。孝養其姑。洪武二十四年旌表。

豐城縣志

卷十五 節烈

三

熊氏王伯崇妻。年二十歸。伯崇越七年而夫亡。遺孤甫二歲。家貧甚。誓不二操。紡績織紝以為資。洪武二十四年旌表。

頓氏名佹奴。胡彥文妻。彥文贅其家。未三日以父疾歸。父歿。而彥文得暴疾卒。訃聞。頓號痛幾絕。即歸治喪。過哀毀。養姑盡孝。孀居五十三載卒。天順七年旌表。吳氏諸生周珍妻。年十八適珍。二載珍遘疾。踰歲弗痊。曰。我死汝事他人。吳因以死自誓。珍亡翼日殮畢。及暮入寢室自縊死。合葬登仙鄉。號節婦塚。

孫氏庶吉士徐懋昭妻。懋昭卒于官。孫年甫二十。遺腹

生子仁。誓不再嫁。紡績勤苦。供養舅姑。

胡氏。庶吉士黃璫妻。適璫甫二載。生子張。璫卒于官。胡自京師扶櫬還。誓以節自守。家貧惟紡績以資日用。熊氏。字蹇奴。余繼妻。孝事舅姑。克盡婦道。繼得疾。度不能起。令備後事。熊出篋中衣對繼。紉定每襲為二。泣謂繼曰。即不幸。吾當服此以俱死。不能獨生也。繼卒。熊眎斂畢。聞家人議焚棺。即衣所紉衣。期赴火死。家人察其意。防之。俟少懈。即自縊。與繼同日合葬于施家園。

孫氏。植村范頔妻。

府志作范頔

字曰紹。博士貞女。年二十二

豐城縣志

卷十五

節烈

四

而頔卒。矢不二天。以伯之子為嗣。鞠育誨訓。無異已出。正統十年。詔旌其門。

傅氏。夏希武妻。年十六歸希武。踰年夫卒。撫遺腹孤。以節自誓。年八十餘。成化癸巳。詔旌其門。

孫氏。任夔妻。年十八夔歿。以節自誓。壽八十一卒。詔旌其門。

林氏。懷瞻之女。湖茫李與鎬之妻。即副使璫之子婦也。嫁甫二載。生子萬平。與鎬卒。族豪利其有。百計螫之。林屬萬平育于外。氏身櫻其鋒。豪見林志難奪。乃夜執挺毆之中額。流血被面。因走。就繼姑徐氏得免。徐

亦以年二十五孀居。遂相依守節不渝。教子俱克有成。孫逢遂相繼登第。詔旌其門。後贈太夫人。

鄒氏袁習廣妻。徐氏周咨謀妻。彭氏熊景著妻。袁氏瑾山熊懷璉妻。丁氏熊煥妻。聶氏楊源淳妻。胡氏龔大邦妻。張氏胡玉祥妻。袁氏瓘山熊渙妻。俱成化年間旌表。

徐氏吳祺繼妻。事姑以孝聞。嘗從祺北上抵河西。祺忽墮舟。徐躍出俱下水。頃抱以出。祺已死矣。奉櫬泝長沙風烈。舟顛危甚。徐哀哭籲天。舟乃定。祺有妾張氏李氏。李無出。張嗣孩提。或有以他意諷之者。徐曰。婦

豐城縣志

卷十五 節烈

五

人夫死。稱未亡。人無再醮。禮顧守適。各惟所志。張與李泣曰。烈女無二。肯憚一死辱大人于地下乎。願永相依也。茹苦服縞。共撫其孤。事聞旌表。

陳氏。諶娃妻。娃爲九江巡司掾。攜陳及女壽英家焉。流賊掠九江。娃被執。時壽英甫笄。陳氏年三十餘。俱色麗。賊欲汙之。娃度不免。乃罵賊。賊遂殺娃。陳氏復罵曰。汝殺吾夫。恨不能讐戮爾。賊怒又殺之。壽英乃枕抱二屍籲天而呼。以血塗面。復厲聲罵賊。賊又殺之。賊退。殯于司馬門。皆無全屍。後九江守馬奇其節。核實以聞。詔旌其門。

范氏東禪巷丁紳妻。紳早卒。范年十九守節終身。弘治間何尹洽奉詔建坊旌表。

熊氏旗塘胡寧固妻。府志作寧國年十九夫故。矢心不二。壽

六十。詔旌其門。

王氏字奕姑。李銘妻。銘卒。王年二十四。遺孤濬方幼。誓不二天。家貧教子。盡孝事姑。年七十八卒。弘治間詔旌之。

劉氏黃充傑妻。充傑卒。劉年十九。撫遺腹子守節而終。正德間旌其門。

吳氏黃季遜妻。季遜卒。吳年二十八。撫孤守節。正德間

豐城縣志

卷十五 節烈

旌表建坊。

周氏陳定綱妻。熊氏夏才兮妻。范氏李聰妻。孫氏范用志妻。胡氏管澄清妻。吳氏劉瓊妻。孫氏游世炎妻。聶氏熊沛妻。俱弘治正德間旌表。

游氏攸洛黃一清妻。學副游明孫女。年二十三。一清卒。守節五十三年。完名無玷。嘉靖十九年詔旌其門。

羅氏朱朝濟妻。父早喪。母再適人。羅泣諫曰。父死再醮。不如攜子女同死。及歸朱二年。而朝濟卒。視殮畢。遂自縊。嘉靖十九年詔旌其門。

熊氏瞿塘潘濡妻。侍郎懷之女。濡以溺死。熊破鏡矢志。

半藏濡棺。半以自隨。年八十二卒。嗣子煌納其半鏡于棺合葬。蓋從遺命云。

胡氏字員貞。賴文璧妻。年二十一歸文璧。未踰月。文璧訪外舅溺于磯山渡。胡因歸。寧過夫溺處。即自沉于水。家人援之得不死。父母憐其少。誘之歸。諷使再適。不聽。母私恚曰。是何必與之言。但擇日納幣爾。胡覺。閻母與家人飲于他所。遂素粧靚服。經而死。

鄒氏宋聰一妻。聰一死。既殯。營葬。鄒謂工曰。可作雙壙。遂自縊。竟合葬焉。

常氏吳橋縣女。嫁爲李與祿妻。僅歲餘。與祿卒。常遺腹

豐城縣志

卷十五 節烈

七

生一男。扶櫬南歸。父母留不聽去。常泣曰。吾留將置此兒何所。即以死爲誓。竟歸。茹苦完節。

胡氏徐試妻。試卒。有子綺。寓京師。未歸。停柩於家。待之。鄰火起。烟焰蔽門。綺妻李氏。撫柩籲天。誓與俱焚。火燎及屋。李泣謂胡曰。勢急矣。媳一人守此姑。亟自全。胡竟不去。姑媳抱持哀號。天爲之反風。環燒百餘家。惟柩所獨存。觀者嘆異。

胡氏甘棠涂曰璉妻。年十九璉卒。茹辛撫孤。母欲奪之。即剪髮。斷指自誓。壽七十餘。邑尹上其事。督學蔡清表其門。

黎氏，蔣默妻。嘉靖辛酉，閩廣寇毒鄰境，淫掠婦女。黎聞之，謂默曰：彼婦均窳耳，縱不能脫，祈死何難。寇至掠地，黎即投小池，以面入泥中死。

李氏，經歷高枝妻。性貞淑，十八于歸。孝感繼姑，枝疾卒。于京號泣幾絕，不食七日。幸甦，姑慰曰：與死事孰與撫孤家貧，紡績自給。訓孤遊庠，迄老如初。邑罹火比鄰環燒，獨存其室。咸謂天憫苦節，有司上其事，詔旌其廬曰貞節。

雷氏，諸生黃聰妻。尚書禮之女，幼有烈操。甫笄，適聰。聰疾革，以子蒙眇爲恨。雷嚙指訣曰：幸承家公餘訓，獲

事君子，義在自畢。有志不從命也。孺子襁褓，固當以身慰長徃之恨。既聰卒，雷以茂齡甘枯淡，捐粧飾謝絕女媠宴好。日觀列女傳，勤紡績，時稱說古孝節事。勗孤汝佐繼承先志，孤賴嚴教遊邑庠。雷孀節完皦，垂老如一日。吳大尹上其事，韓御史疏聞，監坊旌表。李氏，諸生黃栗妻。栗早慧，勤學有聲。塲屋竟夭喪，李年二十二，遺孤方在襁褓。李故名家貳守，縉女知大義。夫亡砥行勁節，有古烈女風。尤孝事姑，姑目盲。李朝夕祝天躬爲洗拭，遂復明。鄉評以爲孝感，巡撫曹巡按賈咸峻其行有節孝兩全等語，題請監坊旌表。

丁氏南湖儒士李廷和妻。年十九于歸。二十一夫亡。遺孤僅四十日。丁毀容飲血撫孤。事姑四十年。勁節冰操。始終如一。巡撫邊扁旌。矢志靡他。

雷氏郡倅述之女。荷塘黃廷湏妻。蚤孀堅節。備歷艱辛。教子孟芳。事姑篤孝。鄉邦賢之。邑尹李廉實以聞。奉詔旌表。卒年八十有二。

賴氏指揮楊郡妻。尚書廉之孫媳也。早寡矢節。撫三孤。皆各出愛。而能勞諸孤。並列衣冠僉歸。功于賢母。邑尹申請表旌其門。

熊氏湖茫李度妻。年十九夫亡。即自縊于柩側。姑覺救。豐城縣志

卷十五 節烈

九

免母家。強諭改節。熊毀容矢死無他。當其翁西野貴顯。乃能荆布冰蘖。始終不渝。邑尹李廉實申請奉詔旌表。

仇氏許字。權山熊國瑞未于歸。而國瑞歿。時仇年甫十六。母氏欲奪其志。不從。徑抵熊宅。伏靈哀號。執三年喪。恪修婦職。以事其翁姑。終身不歸。寧年六十三。乃卒。

潘氏聶庄妻。庄商泗州病卒。潘聞訃號哭幾絕。舅姑促令改嫁。適驟雨。溝中漲不滿尺。整衣赴水而死。黃氏游璣妻。年二十夫亡守節。至九十一終。

鄔氏杜用和妻。用和苦學。遘疾卒。鄔年十八。剪髮自誓。課子業儒。萬歷年間。詔旌其門。

熊氏五都葛旭妻。年十八歸旭。砥行勁節。孝事舅姑。教孤卒有成立。李大尹旌其廬。年躋大耋卒。

熊氏儒士黃如鯨妻。涿湖熊建之女。年十七夫歿。熊欲以死節殉。家人以有遺腹。力守護之。越五月產子。熊竭力撫鞠。日勤紡織。以佐學俸。事姑尤以孝稱。萬歷年間。詔旌其門。

雷氏蔣汝璉妻。璉歿。雷初不欲活。以妾有孕。生子堅志撫孤。巡按曹谷具題。詔旌貞節。

豐城縣志

卷十五 節烈

十

萬氏黃烜妻。烜病革。永訣曰。爾年少。悉惟爾志。萬曰。將從君地下。爾踰年。值姑喪。衰經在身。適火燎衣。傷甚。因嘆曰。向所以未死者。以有姑在也。今得死所矣。家人授以藥。竟弗服卒。

萬氏黃烜妻。年十九。烜歿。姑憐其少。微諷之。艱然曰。寧長可守。少不可守乎。他日倘得撫猶子。不絕。某後。吾願終矣。遂截髮毀容。絕歸。寧禮竟。以節終。

胡氏熊廷佐妻。年二十夫歿。苦節自堅。終年七十七。邑尹上其事。徐周二巡按扁旌之。

彭氏陸永真妻。堅苦守節。通府陶以扁旌之。

袁氏丁應復妻。年二十，應復歿，無子。志操堅苦，誓無他
慝。終年八十一。邑尹上其事。歲給米四石。青白絹各
二疋。扁題金石貞操。

于氏，蔣時聚妻。年二十，孀居。撫二孤，厲志苦守五十餘
年。二孤皆有成立。邑紳士爭贈以詩。

武氏，蔣曰憲妻。憲早天。父母舅姑以武年少，欲奪其志。
武流涕曰：舅姑老矣，婦去誰爲事者？家人知不能奪，
已又思蔣不可無後，力勸姑爲舅納妾。果生子，曰寤。
未幾，妾亾。武撫育之，既長，婚娶生子。未五載，而所娶
亾。繼娶繆氏，而曰寤又亾。武遂偕繆氏堅守其孤，終

豐城縣志

卷十五 節烈

十一

年六十九。曰憲，蔣家樓人。

呂氏，丁祭妻。祭早天。呂厲志撫孤，紡績不去手。卒教成
之。邑尹上其事。巡按汪泗論具題，賜粟帛。

熊氏，李廷言妻。年十七，廷言歿。姑孀居，熊竭力孝養。子
幼，訓育有成，茹苦凡五十餘年。邑尹上其事。歲給穀
四石。絹二疋。扁其門曰栢舟砥節。

羅氏，金桂妻。桂爲掾，娶羅甫，歲餘生子星。遂以省祭候
選。卒于京。時羅年二十餘。親至京奔桂喪。星始數歲，
挈與俱行。載桂柩歸，橐葬省。申公菴側。其地又爲豪
家所奪。羅竟收桂骨附祖兆。毀容飲泣。手指自食。厲

訓其子星。崇禎己卯星果登賢書。丙戌官安東。就養星衙卒。年八十三。

李氏毛欽若妻。熊氏甘禎妻。熊氏楊楠妻。蔣氏呂騏妻。鄭氏李繡妻。徐氏陳朝妻。黃氏杜阜妻。潘氏范正端妻。李氏劉裡妻。劉氏孫鋌妻。潘氏袁騏妻。涂氏李運二妻。喻氏劉仲高妻。鄒氏甘正華妻。關氏袁伯乾妻。丁氏諸生孫鑰妻。黃氏城南范世達妻。劉氏諸生黃可捷妻。林氏袁光寬妻。皆芳齡矢志。茹荼撫孤。各旌獎其門。

國朝

豐城縣志

卷十五 節烈

十一

甘氏。瓘山熊州俊妻。時兵至。甘急囑州俊捨幼女。負母逃。州俊慮甘見辱。甘指水訣曰。勿憂。是吾死所矣。遂赴水死。吳尹中奇弔以詩。巡按吳贊元題請旌表。皮氏。孫國忠妻。年二十八。國忠歿。皮食貧苦節訓。育其子。巡按王志佐題請旌表。歲給粟帛。李氏。范永祺妻。永祺初病。李流涕願以身代。弗獲。永祺歿。矢志植孤。勤辟績。爲教養。助者終其身。巡撫張朝璘題請旌表。

晏氏。余劍光妻。順治初。流寇肆掠。晏攜幼子避崖下。兵至。欲汙之。晏曰。有死而已。無相逼也。遂見殺。血染崖

石。至久色不變。

于氏。于宇春女。受劉羽搏聘未嫁。值兵至。慮不免。赴深潭死。

翁氏。灌山諸生熊明傑妻。夫卒。翁年二十。父母令改適。翁不從。竟經于夫柩之側。

管氏。城南黃文華妻。文華卒。管年甫二十。父母屢諭以再醮。管竟鴈聲不移。節操凜凜。

孫氏。栗塘諸生楊照妻。照逝。孫芳年矢節孤纓。患疹幾歿。孫籲天感異。獲甦。竟課成名。

袁氏。灌山諸生熊明暹妻。順治乙酉。袁年十九。聞土賊

豐城縣志

卷十五節烈

十三

寇掠懼汚。赴水。賊闌弓迫其起。袁不少動。爲亂箭所斃。池水皆赤。其孫媳李氏。熊正哲妻。年二十四而喪夫。舅姑以其無子。命改適。李曰。婦不二天。請終事舅姑。遂誓守撫姪爲嗣。歷今白首不渝。鄉人稱爲世節。蔣氏。邑郭甘爲志妻。順治初。高兵肆掠過豐。時蔣有娠。八九月。聞寇警。倉皇負幼子偕隣婦逃難。甫出門爲寇所掠。蔣求死不得。會寇入他舍。乃乘間語隣婦曰。與汚而生。寧潔而死。言訖抱幼子躍入井。隣婦從之。以水澗未死。寇拘隣婦。翁踪跡至。翁以危語劫婦上。寇猶不捨蔣。百計給之。起。蔣曰。吾惟速求一死。寇怒。

推井上石欄壓之。母子俱斃。里人義其節烈。遷葬于折桂門外。

徐氏，南湖里熊太和妻。年二十夫歿。僅遺腹一女。翁姑以年少無子。令改適。矢死不從。時夫弟舉一子。請立爲嗣。抱而乳之。甘貧茹苦。終身不渝。事翁姑以孝聞。守節六十七年。至八十六歲卒。

劉氏，苦竹孝子游華甫妻。順治二年亂兵肆掠。華甫囑劉攜二子偕其姑匿避山澤間。兵退始返。見二屍則華甫與父同死焉。枕哭愴痛。欲以身殉。因念姑老子幼。徒死無益。乃含淚耐姑。營殯二喪。時凶荒游歷。村

豐城縣志

卷十五 節烈

十四

無全烟。劉以一女子出入濱死之地。卒能終養撫孤。綱維三世。直與烈丈夫爭光矣。自二十三歲守節。至八十五無疾而終。

游氏，瓘山熊明美妻。年十九夫亡。遺孤甫踰一歲。姑以痛子成疾。尋卒。盡鬻貲糶供湯藥。暨殯葬。順治二年流寇蹂躪鄉里。歲除日村民咸避兵入山。游扶八十五歲老舅。六齡孤兒。逃巖石間。二日不食。獲免歸。則居室焚毀。家產蕩然。越明年鄉大饑。米價騰踊。數日不能舉火。游泣貸鄰家得米飲奉其舅。餘瀝及孤兒。自取糠粃和土食之。舅卒僅遺薄田一畝。併鬻之爲

焉。乾隆四年。旌其門。

曾氏。沙湖丁仕炳妾。身有娠。仕炳即歿。曾年僅二十二。嫡妻熊。亦年三十一。有親屬利其遺業。操戈入室。席捲而空。且思逼曾與熊兩嫁之。曾指腹以拒。遂欲手刃曾之腹。曾走脫。偕熊哭訴諸官。懲以法始免。四越月生一子。貧苦幾難存活。雙寡協勤績紉。卒之教子成立。曾年踰六十先熊而卒。

范氏。橋頭諸生傅宗光妻。宗光卒。范年二十五。守節撫孤。不辭艱瘁。甲寅村被兵。范抱孤匿煤井。以免。屋被焚。借鄰媪草厠以棲。日惟紡績度活。壽至九十卒。

豐城縣志

卷十五 節烈

六

李氏。袁坊袁秉嫌妻。媳涂氏。孔彪妻。孫媳李氏。道瑤妻。曾孫媳劉氏。克臯妻。初李氏歸秉嫌。盜劫其家罄。所有李走得脫。秉嫌身被七創。翁遇害。李極哀毀。時復侍秉嫌湯藥。創踰年痊。生子孔彪甫六歲。秉嫌隨歿。李年二十七。外禦內撫。艱辛備至。已爲孔彪娶婦涂氏。生子道瑤。孔彪又歿。涂以姑性嚴惡。凡事皆先意順承。退無違言。夜半操紡績不倦。涂寡時。年方二十八。李恐其有異志。常指道瑤謂曰。此呱呱者。養之教之。寧苦我一人。勿以累爾。涂泫然曰。媳薄命。實願相依。無此孤義。猶不當去。况已十有一齡乎。請以死誓。

李意遂釋。李有同族女。又適道昭爲妻。能敬奉姑。涂尤善體姑意。兼盡孝養于祖姑。李道昭性嗜飲。不醉不已。李每戒之曰。酒多傷生。子忘雙寡之垂白在堂耶。不聽。竟戕于酒。生子克臯。方在襁褓。羸而多病。幾死者數。李與二姑叩神禮佛。無虛日。期延此如綫之脉。克臯既長。曾祖母李年七十八。終服闋。娶劉氏。克臯既弱多疾。僅產一子。疾革。時囑其妻劉。以麻衣冠殮。謂涂與李二老人在。不能生。送其終。聊以死送也。劉哀號且痛且解。恐傷二老人。心。時劉年甫二十餘。有謀娶者。私言于其母家。欲奪其志。劉知之。絕食悲

豐城縣志

卷十五 節烈

十七

鳴。吾家四世孀居。四世單傳。三老人失所天。俱能不。二。敢使清白風。自我掃地耶。聞者寒心。事遂寢。涂年八十五卒。今李年屆七十六。劉年亦踰五十。一門四寡。後先同符。鄉黨稱爲世節袁家。

楊氏。城南黃承芳妻。年二十七。夫亡。殮葬畢。自縊。家人救免。外氏欲奪其志。正色拒之。終身不歸寧。甲寅避賊山莊。夜夢人告曰。賊至。速去。楊呼老僕婦抱幼子。匿煤井中得免。壽至八十一歲。雍正四年。建坊旌表。任氏。東坑魏邦遴妻。年二十一。邦遴卒。任矢志撫遺腹。孤苦守。凡七十二年。壽九十三。雍正四年。建坊旌表。

子伯寧

熊氏湖茫諸生李燾妻。年二十而寡。遺腹一女。矢志守節。康熙六十一年。建坊旌表。

王氏勇城林欽華妻。年二十一守節。三十四年。妯娌未嘗見其露齒一笑。性好施予。周貧乏。歲癸巳。邑大水。村廬淹沒。王出紡績。費易穀以賑饑者。雍正四年。建坊旌表。

李氏邑郭諸生鄧義林妻。義林歿。李年二十九。家極貧窘。撫諸孤。悉憑十指。督教次子黃裳。力學以冠軍補諸生。娶婦蔣氏。蔣本故家女。能識大義。歸黃裳。後盡

豐城縣志

卷十五 節烈

六

鬻貲糴供姑膳。及夫病藥物。年二十七。夫歿。遺孤二。長甫二歲。幼僅數月。姑媳相依。飲泣撫摩。越五載。次子夭。十載。姑李卒。十五載。長子復夭。蔣慘家難。頻仍。蓬首垢面。連年經紀喪事。哀傷以死。

陳氏副指揮正學妹。瓘山熊觀濤妻。幼靜慧。父愛之異。諸子雖已。歸熊而契券之。匣常付收掌。年二十四。觀濤死。父憐其少。欲改醮之。陳哭泣幾死。適父至其家。投契匣于庭。曰。亟持去。無求之地下。因閉門拒不見。即呼亦不出。初家頗豐裕。迨子長。業產費殆盡。陳隨子轉徙。卒無怨言。終身無疾。言遽色。年八十二卒。

陸氏教諭伯威女。邑郭大街廿日焜妻。年二十七而寡。家故貧。禍難頻作。陸悉置不較。惟日督諸孤讀書。弱女紡績。嘗泣諭曰。爾父早世。期爾輩成立。以繼先志。媮怠非所望也。時屆春秋。必恪共祭。其夫主涕泗滂沱。繼之以血。霜操凜冽。垂髮不衰。乾隆六年。建坊旌表。子唐誨師盤。以學行著。孫興仁。中雍正甲辰鄉試。熊氏。仙音巷陸凌宣妻。年十六歸。陸二十一夫亡。遺孤二歲。孀姑六旬。熊紡績自勤。俯仰事育守節數十年。學訓謝以冰霜壽世匾獎之。子希瑀。歲貢生。

范氏。河灣村元榮妻。年二十九。而孀。有以家貧勸其改

豐城縣志

卷十五 節烈

七

醮者。泣謝曰。餓死事小。失節事大。我雖婦人。既聞古人之訓矣。且目前貧賤。安知我子孫日後不富貴乎。由是矢志愈堅。教子彌力。縣尹薛嘉其貞操。特表其門。白霜筠。魏潔。後其子大海。果貢上庠。大板前緒。孫器。屢膺別駕。馳贈安人。人羨爲苦節之報。

雷氏。教授鉞之女。仙音巷陸濟濂妻。性淳謹。歸陸數載。而夫死。矢志不貳。撫遺成立。雍正十一年。建坊旌表。子爲彩。

楊氏。北門唐之泌妻。之泌以力學過勞卒。時楊年二十八。哀痛淚漬襟袖。久而成丹。遺腹。越四月。始生子。適

邑大水。家不能舉炊。出績苧。易米供翁姑。飯已。則餐糠粃。度活。子長。出血襟示之。勉承先志。子旋卒。復撫孫。至七十三歲卒。苦節凡四十六年。

羅氏。烏岡熊時高妻。生子甫。六月。夫外遊。隨歿。羅年時二十有六。家窶甚。無期功親可依活。苦守五十五年。逾八十歲卒。

雷氏。瓘山熊鍾相妻。年二十。孀居。撫半歲遺孤。值乙酉。丙戌。荒亂。屢濱于死。志不少渝。苦節終其身。乾隆十一年。金學憲以節義幽芳。匾獎之。

楊氏。仙音巷陸宗道妻。宗道歿。楊年二十三。時孤方四

豐城縣志

卷十五 節烈

二十

歲。翁姑年皆近耄。楊慈孝兼至。凡所措置。悉準以禮。翁姑歿。而子稍長。乃出十指所餘。泣付曰。爾父立志讀書。不獲成名。永世若能。以此零星物。立祠廟。買祭田。俾爾父歲時享祀。余斯安心見乃父地下矣。丁卯元旦日。倏呼子媳。詔以家事。端坐而逝。年六十九。乾隆元年。建坊旌表。

李氏。學前劉從高妻。年二十六。從高歿。時舅姑已年老。子甫七歲。家素貧。衣食維艱。俯仰皆資其手續。守節凡三十九年。六十五歲卒。

黃氏。扶溪余瑞卿妻。歸余八載。僅乳一女。勸夫鬻田納

妾張氏。踰年夫歿。時黃年二十八。張年甫十九。痛夫既無嗣。又乏同懷昆弟。乃立從堂姪爲後。姪方在襁褓。雙寡協志撫育成。人不絕夫祀。終身勤績。支家俱能以禮自持。不渝厥志。謝分府錫袞來署縣事。匾獎冰栢雙貞。黃六十一歲。張六十五歲卒。

張氏。烏石周惟正妻。年二十六而寡。初惟正卧病。張出粧奩鬻貲供湯藥。每夜分輒焚香籲天。願以身代。不解帶就寢者數閱月。及歿。號痛幾絕。時雛孤甫數齡。而姑年垂耄。張厲志撫子。孝事其姑。持家尤嚴謹。同堂諸子罕見其面。每遇姻族女輩。必以孝順勤儉相

豐城縣志

卷十五 節烈

三

勗。乾隆二年建坊旌表。年七十八卒。

陳氏。同造孫汝旺妻。二十六歲夫死無子。遂自經。親屬救甦。勸之曰。俟汝叔舉子。繼汝夫後。庶不殄祀。今死無益也。陳乃剪髮斷爪。納夫棺以殉。洎叔生子。即立爲嗣。抱而撫之。卒底成立。守節五十三年。至七十八歲卒。

郭氏。滄溪諸生龔珩妻。甘氏龔定遠妻。姑媳相倚守志。不渝。乾隆六年。建坊旌其雙節。

蔣氏。橋頭袁應楫妻。年二十餘。應楫歿。一子甫四齡。保育。維力事垂暮翁姑。以孝稱。袁故有軍差。十年遞換。

其應運津貼。雖寡婦孤兒不可免。蔣克經紀其資。應付無誤。嘗勤手續以襄之。視諸堂姪如已子。悉爲之畢姻事。守節五十載卒。時七十有五。乾隆九年建坊旌表。

胡氏密嶺熊元宦妻。年二十七。夫死撫二孤。備嘗勞苦。奉姑克孝。終身不茹葷。持內外極嚴。每歲田事惟付同母兄督理。先是同鄉有貸其夫銀者。許鬻妻以償。胡聞而還其券。卒令完配。一日隣家火幾延及夫柩停所。胡撫棺哀。颯風頓反火息。乾隆十年旌表建坊。甘氏苦竹游煥章妻。年二十餘。夫歿家貧。子弱翁姑皆豐城縣志

卷十五 節烈

三

垂耄。守節不二。克供婦職。厥後養生送死。育子撫孫。所需半出女紅。乾隆四年建坊旌表。

徐氏北湖丁朝印妻。年十八夫歿。生子劬湘。甫兩月守節不二。乾隆三年旌表建坊。媳楊氏。即劬湘妻。年二十二。劬湘歿。剪髮置夫棺。誓與姑同守。撫其遺孤。經楊尹志道。扁獎其門。今徐年八十。楊年六十有五。

范氏瓘山熊曰得妻。曰得以謀。館穀歿于閩。范年二十有五。遺孤僅六歲。其夫弟亦幼稚。范惟日事女紅。衣食之。至五十五歲卧病。子以藥進。范固却之。曰。向隱忍不從。汝父于地下者。以汝及汝叔年幼無依。恐斬。

汝祖父嗣續耳。今俱長復。何顧慮爲遂。不藥以死。何氏。嶠湖徐之。軼妻。年二十四。痛夫以力學成疾歿。絕粒數日。欲以死殉。舅姑諭之曰。汝夫歿。時以老親稚子見屬。汝死。吾二人垂白何依。此八月遺孤。誰爲撫者。奈何。輒戕其生。以負夫托耶。徐不得已。始強進飲食。事舅姑孝。養惟謹。禮送其終。性仁慈。嘗勸其子周惠鄉人。人德之。乾隆七年。旌表建坊。

李烈婦。江南陸安州人。其夫謝賢。棋客其地。娶之。歸。豐數載。賢棋病篤。謂婦青年無子。靡所倚依。令別醮。婦曰。千里相隨。夫死改適。狗彘不食其餘也。及賢棋歿。

豐城縣志

卷十五

節烈

三

哭絕者數四。已乃罄鬻簪服。辦棺衾。既殮。即不復食。或勸之不應。一夕。撫賢棋棺。大慟。遂自經。

徐氏。香爐坑葉錫宗妻。年二十七而寡。守志不渝。乾隆三年。旌表建坊。時已八十三歲。

熊氏。塋上左士淇妻。年二十四喪夫。家素貧。窶僅以手績供老姑。撫穉子。苦守四十四年。至六十七歲卒。

黃氏。熊家坊熊祖衮妻。年二十七。夫歿。矢志苦守。凡經三十四年。六十歲卒。

胡氏。官塘徐應祖妻。年二十七。夫亡。勵志撫孤。事舅姑至孝。姑患哽。以乳進。食得瘳。厥後營葬三喪。皆如禮。

終身以紡績爲活。現年九十。猶勞苦不輟。

黃氏。同造孫宏化妻。年二十七。夫歿。慟不欲生。念姑老子幼。非一死可塞責。乃強起守節五十三載。足未嘗出戶限。課子底于成立。年七十九卒。

熊氏。游家山游洪蘭妻。洪蘭歿。熊年二十八歲。姑老子幼。家極貧。得米麩取精者奉姑。以糠麩作餅飼子。姑卒。號慟昏絕。棺衾祭葬。諸費皆竭力爲之。無儉于禮。乾隆七年旌表建坊。現年八十有四。

游氏。石下諸生蔡德溥妻。年二十九而寡。子幼。翁又垂白。養老撫孤。惟游是賴。夫有庶母弟暨。從子皆幼失怙恃。鞠育教誨。恩勤備至。人亟稱之。其子監生廷權妻杜氏。年二十七。廷權歿無子。繼姪爲後事。孀姑克隆孝養。一門雙節。白首相依。游現年八十七。杜現年五十八。

豐城縣志

卷十五 節烈

魏氏。三坊鄒維秀妻。年二十八而寡。當維秀病篤時。魏號天願以身代。及歿。意不欲生。以孤老子幼。乃起經理喪葬。嗣是足不涉門外。奉姑三十餘載。竭力侍養。姑踰九十乃卒。節孝兩盡。乾隆六年旌表建坊。

李氏。瀘田葉崑山妻。名錦貞。年二十二。崑山以力學過苦成瘵疾卒。李痛哭矢以身殉。送柩登山。營葬畢。歸。

卧房閉門自經死。事聞王尹履仁獎以扁曰是真節烈。

熊氏渠塘潘非諒妻。年二十三夫歿。藐孤甫踰一歲。殫心鞠育。簪珥絲縞終身不御。歷守四十餘載。乾隆元年旌表建坊。

江氏揭源里揭朋妻。生子三月而夫歿。時江年二十六歲。常飲泣慟姑。惟恐以悼子故傷其心。及姑歿。鬻奩資昇翁暨夫柩。次第葬之。現年八十。每訓子孫力誦讀。勿行刻薄事。乾隆十四年題旌。

史氏墩里孫文煜妻。文煜卒。史年二十六。一痛幾絕。念豐城縣志 卷十五 節烈 五

家貧兒幼。翁姑垂老。勉起治喪事。史夙嫻婦道。養生送死。需費半出。女紅教子育孫。十指益瘁。飲冰茹蘖。數十年若一日。

李氏崇仁歲貢登龍女。溪頭于有功妻。歸僅數載。而有功歿。欲以身殉。念子方數齡。小叔尤幼。與身殉不若以身任也。乃強進飲食。勵節撫孤。事繼姑備極孝養。撫幼叔無異已子。析產時。不私其子。與叔加厚人益難之。卒年六十八。

袁氏舒中進妻。年二十一。生子未片時。夫即歿。飲泣撫孤。誓不改志。事翁姑備極孝養。卒後祭葬如禮。歷守

四十八載。卒年六十九。

鄒氏，舉人黃甲俊妻。年二十三夫歿，遺孤方五歲。矢志守節，事翁姑視夫存日有加。巡撫舒具題旌表。

余氏，邑鄆甘城妻。夫死願以身殉，家人以撫孤力勸乃止。栢節米操，終始無玷。乾隆元年旌表建坊。

涂氏，瓘山熊懋欽妻。夫歿三月，始媿身生一子，深愛備至。冀以不絕夫祀，父母憐其少，勸使他適。泣曰：此呱呱者，夫之息也。我去，誰為撫育者？夙曉大體，舉止進退悉準以禮。現年六十八，清潔之概視初益厲。

鄆氏，清邑解元嶽壽孫女。湖北諸生熊偉妻。二十八歲

豐城縣志

卷十五 節烈

三

喪夫，號痛絕聲，欲以身殉。其姑曰：子年已衰朽，藐茲孤僅二齡，從死易撫，孤難汝當為其難者。鄆乃不死。越數載，姑歿，經理喪葬如禮。逢姑暨夫忌日，必衣縞素，設奠哀泣。乾隆四年旌表建坊。

徐氏，熊良璿妻。為婦方五月，良璿歿，幾不欲生。因念遺孕在身，乃強活生子兩歲而夭。其姑以青年無子，且家貧不能存活，諭令改適，以死誓不渝。立姪為子，已復天。復立一姪，夫祀始不殄焉。姑老卧病十餘載，極力奉事，始終無厭倦意。人稱節孝婦。年七十二卒。

陸氏，東城涂山蕢妻。年二十四，山蕢卒，觸棺破顙，勺水

不入口者五日。親屬勸以嫡庶三姑在堂。二子尤藐。子一身負荷匪輕。乃強起勵志。米守。事嫡姑同兩庶。始養。葬不少逾禮。嗣以幼子夭。痛哭幾喪明。猶婉轉支持家事。備嘗危苦。現年七十四歲。巡撫舒題請旌表。

聶氏。大井頭余欽爵妻。年二十二而寡。初欽爵存日。稍足衣食。既歿。一子方三月。家遂落。聶厲志撫育。及長。并爲之謀朝夕完婚配。數十年勤勞操作。備極艱辛。即子復抱子。而一家數口。猶仗其十指經營爲活。乾隆四年旌表建坊。現年六十有四。

豐城縣志

卷十五 節烈

劉氏。瓘山熊肇瑚妻。年二十三夫卒。翁與父慮其年少。勸令改適。劉性烈。以歲半孤托于妯娌。夜經于夫柩之旁。賴妯娌救甦。翁與父聞之。不忍復強。苦守四十餘載。現年七十。

譔氏。楊肇龍妻。肇龍卒。譔年二十餘。撫遺孤。備極艱辛。乾隆十五年旌表。

唐氏。舉人之江女。鶴村杜銓妻。年二十三夫亡。遺孤甫二齡。翁姑以慟子成廢疾。族黨難其守。唐曰。吾幼聞禮訓。今豈忘之。遂矢志撫孤。躬調藥物。翁姑疾竟愈。皆得終其天年。守節三十九載。現年六十一歲。

任氏湖頭江光文妻。年十八夫亡。勵志撫孤。青年苦守。迄今六十六歲。

蔡氏南湖李師鉉妻。年二十八夫歿。遺孤以痘殤。初師鉉不善治生。依其兄師鉞資朝夕。至是。蔡母家以其貧而無子。勸改適。蔡誓不易志。時師鉞次子生。方數月。泣請為後。卒之。撫育成立。守節三十五年。迄今六十三歲。

陸氏落鷺口李文登妻。年二十一而文登死。遺孤四歲。克堅冰節。撫育其孤。卒年六十。

丁氏橋門揭鎮妻。早寡。矢志守節。撫子成立。雍正年間豐城縣志

卷十五 節烈

三

旌表建坊。

范氏橋門揭天祥妻。適揭甫一載。天祥即客黔省。越四年歿。友人歸其骸以葬。時范年二十二。臨穴欲以身殉。親屬勸之歸。乃立其姪為夫後。幽靜守節。外人罕見其面。迄今年逾六十。

劉氏邑郭大街甘斑妻。斑死一慟而絕。家人救之始甦。時年二十五歲。撫兩孤兒。長僅四齡。幼甫數月。奉老姑。先意承歡。不缺甘旨。勤苦守節。現年五十有五。熊氏老塘金興文妻。年二十六夫歿。泣血椎心。誓無他志。惟日勤織紉。為撫育孤兒計。勞苦終其身。現年六

十歲。

張氏、鵠塘楊仕僕妻。年二十八夫歿。姑老子幼。堅志守節。撫孤成立。現年五十有八。

饒氏、瓘山熊曰德妾。生子甫三月。曰德歿。饒年止二十。三。嫡室慮其年少。勸改適。饒抱子痛哭不從。身任隸事奉嫡。尤有禮。卒相處無詬言。現年五十三歲。

鄧氏、羅舍周永聖妻。夫死撫孤。矢志不懈。乾隆十三年。旌表建坊。

張氏、諸生何岳妻。楊氏、主簿朱煌妻。李氏、艾岡諸生劉文漢妻。崔氏、邑郭廷懋賢妻。劉氏、篠塘李敬妻。褚氏。

豐城縣志

卷十五 節烈

元

邑郭熊大秀妻。傅氏、四坊周廷相妻。胡氏、篠塘李榕妻。毛氏、三坊羅興元妻。劉氏、塘粟山鄔汝權妻。任氏、萬伯壘妻。鄭氏、周光葉妻。揭氏、陳愈蕃妻。俱守節。年例相符。督撫題請建坊旌表。

周氏、潭埠熊茂梓妻。年二十一而寡。家甚貧。兼鮮支屬。孤一偶。僅數歲。矢志靡他。一意育子娶婦。聶氏年二十九。而一偶亦死。聶念姑周。以節著。里閭已亦豈肯二天。因矢志不懈。現年六十一。

曾氏、陽夏坊蔣世林妻。世林歿。曾年二十二。孝事翁姑。恩勤育子。雪操完繳。現年五十九。

熊氏東坊聶景克妻。年二十。景克歿。孤僅半歲。家且貧。痛夫棺停暴。力績得貲買地葬之。事垂暮舅姑終老。無缺養。現年五十五。

黃氏。瓘山熊明寧妻。明寧歿。黃年二十五。斷髮矢志。孝奉孀姑。待庶姑饒氏尤有禮。並成其節。卒撫二孤成立。現任階州吏目。懋獎者其家子也。

周氏。故里鄆維康妻。讀書識字。歸鄆五年。而維康死。訓孤以學。每夜分必挑燈親為講解。會修邑志。遍閱譜系。見祖元刑部侍郎至善。以剛直忤權相被害。前志未與表彰。乃手抄事實。命子籲請立傳。其通曉大義。

豐城縣志

卷十五 節烈

三

若有鬚眉所不及者。現年五十八。水操克厲。

唐氏。八十三都王守讓妻。守讓卒。唐年二十二。藐孤。子翁姑又極衰老。唐苦節自持。孝慈兼盡。兩無失所。現年六十。

涂氏。苦竹周世鎮妻。年二十八。夫死無子。其父諷使改適。泣曰。兒雖無子。猶子非乃祖血脉乎。堅拒不聽。繼姪為夫後。操持嚴正。姻族無見其面者。現年五十六歲。

徐氏。大夫橋揭銘妻。年十九。夫亡。生子僅三月。姑且老。俯仰事育。以身任之。守節至五十一歲卒。

趙氏石源夏永惠妻。年二十一夫歿無子。僅遺二女。趙號痛幾絕。其母勸諭撫姪爲嗣。以綿夫祀。趙乃拮据經營殮葬。繼立一姪。尋夭。遂與女相依。冰堅霜皎。苦守四十五載。現年六十有五。

甘氏門樓黃源妻。二十一歲夫死無子。舅姑憐其少。諭改醮不從。其母氏復勸之。誓死不往母家。現年六十有三。

曾氏邑郭甘汾妻。于歸時夫已瞽。曾善事之。年二十七夫卒。長子三齡。幼猶在腹。踰月而生。養姑撫子備極勤勞。守節三十五載。現年六十有二。邑尹申文題獎。

豐城縣志

卷十五 節烈

三

涂氏十里店諸生張杰妻。劉氏湖茫李渭妻。雷氏王妻。鄒氏課瑞劉繼珍妻。俱守節堅貞。撫子成立。

黃氏邑郭孫殿臣妻。年二十八夫死守節。不踰。勤紡績。積有餘貲。輒行施予。乾隆七年。吉贛水陡發。江多浮屍。黃出貲募撈十一人而殮埋之。邑尹朱匾獎事足。維風巡撫陳匾獎仁心清節。

余氏名福姑。邑郭袁繼勳未婚妻。年十九歸有期矣。而繼勳適死。聞訃泣血幾斃。姻戚交勸。乃告父母過哀治喪。嗣後有以婚媾求者。輒堅卧不食。袁知其志決。爲立長子之子。繼其後。植操嚴飭三十年來未嘗言

爲嬉笑。蓋素能讀書。故節操異恒婦。而撫子果成立。聶氏一都三圖羅興彪妻。歸未半載而興彪客死于楚。或勸之嫁。聶痛哭曰。古有甫合鬻夫死而成節者。未亡人獨不可自矢乎。爰立姪以存夫後。然日夜飲泣。年甫五十。以哀傷卒。

謝氏介山饒永昇妻。年二十四夫亡。誓不再醮。殫心撫子。子復早夭。苦守三十餘載。現年五十有八。

李氏揭陽令景運女。年十八歸義井孫志學。明年舉一子。志學遂歿。李誓不獨生。舅姑以死易撫孤難曉。譬勸勉始強起事二白。以孝敬聞。教育遺子。俾有成立。

豐城縣志

卷十五 節烈

三

現年五十三歲。乾隆十六年旌表建坊。

徐氏北湖呂鍾相妻。年二十一。鍾相歿。傷痛嘔血。懷娠閱七月。始生子。子幼恒多病。極力保護之。爲呂氏綿其宗祧。事舅姑尤孝。遇舅姑傷念。日即率數歲孤兒。捧茶湯跪獻。佯笑曰。弱孫已解孝敬矣。舅姑喜。亦喜。及退。則以手摩兒頂。復潛然淚下。一鄉稱爲孝節婦。守節凡三十二年。五十二歲卒。現今申文請旌。

范氏斗溪萬寅璵妻。年二十七夫歿。遺孤藐子。又有老姑在堂。范矢志支貧。孝慈兩盡。姑年八十餘卒。子亦尋歿。苦守二十八載。現年五十四歲。

蕭氏，烏柏塘楊子建妻。年十九夫死無子。姑年老，其夫之兄亦死，遺子二。妯娌誓約守節，坐卧必偕。姆氏夢語多亂，蕭正色責之曰：爾心動矣，何能終志？及早改適，猶不爲門風玷。老姑，吾自養之。爾子，吾自撫之。姆卒嫁。未幾，姑遭劇疾且不起。蕭割股肉作羹以進，姑遂霍然。姑歿，葬祭盡禮。二孤長繼其一爲嗣。夫與其兄始均獲有後。王尹鎬獎以匾曰：節孝可風。年九十餘卒。

吳氏，槎村范日英妻。年二十二夫歿，時孀姑在堂。子方襁褓，家且貧，無菴功親可依活。吳以一身十指支給

豐城縣志

卷十五

節烈

三三

俯仰艱苦備嘗。現年五十六歲。

鄒氏，同造孫紹瑛妻。二十五歲而寡，其姑早逝。翁以老病卧床，第者數年。鄒克孝事終老，撫三歲遺孤成人。苦守凡三十九年，六十四歲卒。

丁氏，澄源諸生衛正煒妻。年二十八，正煒卒。易簀時，深以親老子幼爲言。丁克承夫志，事舅姑備極孝養。撫遺子躬爲婚教，年九十五卒。

熊氏，陽夏坊蔣夢龍妻。夢龍幼孤，鮮兄弟。家貧徒壁，立娶熊。年餘卒。遺子方數月。熊年二十，父母以其無可依藉，勸改醮。熊誓死不從，居貧撫孤。現年七十三歲。

曾氏陳埠鄒山鄒良璞妻。年十八。夫死遺孤。僅月餘。家極貧窶。曾矢志苦守。養親撫孤。以節孝聞。

鄧氏。蔣家樓蔣嗣玠妻。年二十二。夫歿無子。其祖姑繆與伯祖姑武俱以貞節著聞。鄧克嗣前徽。人稱一門三節。其族嘗有兇患。痘崇百出。病危甚。一日鄧至。問疾。崇頓滅。兒病頓愈。鄉里嘆異。

葛氏。朱及之妻。熊氏。徐仁鳳妻。丁氏。范國賓妻。徐氏。熊奇卜妻。熊氏。謝國定妻。陳氏。范復彩妻。周氏。熊宗尹妻。朱氏。林啟鑣妻。熊氏。李應珍妻。羅氏。甘秉璠妻。吳氏。范有章妻。陸氏。熊一輔妻。熊氏。丁正煥妻。鄒氏。范

豐城縣志

卷十五 節烈

五

方來妻。余氏。林曰棟妻。熊氏。李紹宗妻。俱苦節堅守。養親撫孤。人稱節孝。

曾氏。范子成妻。黃氏。范際明妻。劉氏。袁嘉賓妻。鄒氏。袁啟第妻。俱青年守節。撫姪為嗣。

李氏。大源周烈九妻。傅氏。四坊熊曰珍妻。俱無子苦守。始終不渝。

楊氏。諸生徐為桂妻。李氏。范申伯妻。謝氏。孫文鈺妻。陳氏。何性若妻。楊氏。羅秉愚妻。余氏。徐汝鈺妻。俱守節撫孤。見重鄉里。

豐城縣志卷十五終